

自在王昔有言與汝分治國土汝等今時宜

應往彼黎努王所作如是言王昔許我畫壤
分治汝王今時能不忘不時六童子聞輔相
大堅固婆羅門言已即共往詣黎努王所具
如上說出尊時黎努王告六童子言如先所
約我記是言我今當以此之國土等爲七分

微十

與汝六人各各分治如是言已時六童子俱
白王言若王訖其言者斯爲甚善願王速召
輔相大堅固婆羅門令彼如王教勑申畫疆
境彼人聰利智慧明了堪爲準的時黎努王
乃命使人即謂之言汝往輔相大堅固婆羅
門所作如是言王今召汝汝今宜應速至王
所使人受命即詣輔相大堅固婆羅門所到
已如應宣示王言汝今宜應速至王所

佛說大堅固婆羅門緣起經卷上

佛說大堅固婆羅門緣起經卷下

西漢譯經三藏朝奉大夫試光祿卿傳法大師鳩摩羅什譯華奉 詔譯

尔時輔相大堅固婆羅門即時來詣黎努王
所到已伸敬退坐一面時王歡喜顧贊慰安
輔相亦復肅恭對答王言大堅固汝今爲我
度此國境分爲七分我與六人童子各各分
理是時輔相受王命已即時度量分此地界

正北北隅其界廣闊正南南隅其界狹略猶
如車形中央境土多人聚處黎努王居所有
迦陵議國捺多布羅城摩溼摩迦國襄怛那
城晚帝那國摩咽沙摩城蘇尾囉國勞嚕迦
波羅柰國迦尸大城如是七國各分界已時

微十

九

六人童子於彼處受王灌頂各各爲王統
理一處從是已後乃有七王所謂黎努王破
窪王梵授王勝尊王明愛王持國王大持國
王如是七王各分統已後時六王又復集會
共詣輔相婆羅門所到已謂言大堅固如汝
所有智謀才略助佐黎努大王我等六王願

汝同彼亦相贊助輔相婆羅門聞是言已同
佐七王諸所有事悉共參議

尔時輔相婆羅門其後又復教授七千婆羅
門誦彼經典教授七千婆羅門讀彼經典時
諸長者婆羅門士庶人民咸知咸見輔相婆
羅門如是才智五相議言此大堅固是爲真

實大婆羅門復能與諸婆羅門衆教授讀誦
圍陀典章

是時輔相婆羅門聞衆議已作是念言此諸
婆羅門長者士庶人民處處相聚參議於我
假以稱揚謂我才智又復目我而爲真實大
婆羅門此非我宜我且自觀實非真實大婆

羅門我今不復與諸婆羅門教授讀誦圍陀
典章正使廣知誠非我善況復世間我身色
相而不久住我昔曾聞先德耆舊大婆羅門
智者所說婆羅門法中於夏四月寂止一處
修悲禪觀彼觀若成大梵天王當來現身施
所求願若如是事是我所樂我應如說修此

禪觀如是言念已時輔相婆羅門將欲於夏
四月中寂止一處修悲禪觀即詣黎努王所
到已白言大王我今樂欲夏四月中寂止一
處修悲禪觀願王聽許時黎努王言大堅固
爾時輔相婆羅門得王許已詣寂靜處誦心
隨汝所欲今正是時

專注於夏四月中修悲禪觀過夏四月已當
苾芻布薩白月十五日即於彼處依婆羅門
法以新瞿摩夷先塗其地然作四方火壇其
壇中心復作火爐時輔相婆羅門沐浴其身
著新淨衣從北而上至壇南界擲吉祥草徧
覆壇地面北而坐執宰嚕嚕施作火事以祀

微十

梵天尔時輔相婆羅門作法未久忽於北方
有大光相輔相婆羅門見是光已生希有心
身毛喜豎轉復肅恭諦心而住其光熾盛昔
所未見尔時大梵天王現光未久從北而來
虛空中住其輔相婆羅門一心歡喜仰觀虛
空乃見大梵天王處于空中即時合掌頂禮

說伽陀曰

威神色相光明具 是何聖者現空中
我今雖見不能知 惟願如實爲我說
尔時大梵天王即說伽陀答輔相婆羅門曰
彼諸淨行者悉知 我於梵界而常住
又復諸天知我名 汝婆羅門應自審

輔相婆羅門復說伽陀曰

所須淨水及座位 酥蜜乳粥味中勝
最初奉獻我專心 惟願梵王哀納受

大梵天王復說伽陀曰

所須淨水及座位 酥蜜乳粥味中勝
汝婆羅門最初獻 我今如應爲汝受

輔相婆羅門說伽陀曰

五欲諸境名此界 得生梵世名他界
我忻是義發問端 惟願梵王聽許我

大梵天王說伽陀曰

此界他界二義中 隨汝所樂恣汝問
我今聽許悉無疑 汝問云何當速說

尔時輔相婆羅門即作是念我於今時欲解疑惑先以何義問彼梵王爲問此界義由何發起耶爲問他界義由何得生耶輔相婆羅門又復審思此界義者謂由五欲發起此不應問我今當以生他界義問彼梵王作是念已即問大梵天王言勇猛清淨者大梵天王

我今問汝願解疑惑大梵人中若欲求生寂靜梵天界者當修何行而能得生

尔時大梵天王即說伽陀答輔相婆羅門曰
修無我者即淨行 心住一境悲解脫
離諸欲染煩惱除 此等得生於梵界

時輔相婆羅門白大梵天王言如大梵所說
伽陀中言修無我者是即淨行我於此義已
能解了謂一類人起正信心修出家法剃除
鬚髮被袈裟衣捨諸富樂若少或多智能隨
轉若高族中若下族中其心平等離諸取著
但持三衣一鉢餘無所有於諸學中教授學
法身語意業具足清淨淨命自資離諸過失

如是名爲慳無我者

又如大梵所說心住一境我聞其言亦解是
義謂有一類修定行者內心清淨住一境性
無尋無伺定生喜樂證二禪定具足所行此
即名爲心住一境

又如大梵所說悲解脫者我聞其言亦解是

義謂有一類修悲行者以悲俱時所生之心
先於東方遍運悲心其心廣大具足所行平
等無二亦無限量無寃無惱如是東方行已
南西北方四維上下一切世界廣運悲心具
足所行亦復如是此即名爲悲解脫者

又如大梵說言離諸欲染煩惱除者我聞其

言不解是義大梵何等爲煩惱云何人中能
令煩惱而得清淨諸煩惱海充滿流注是中
云何令修行者得生寂靜彼梵天界

余時大梵天王即說伽陀答輔相婆羅門曰
貪瞋癡慢疑忿覆惱害誑妄并慳嫉
起此染法及謗他是等名爲諸煩惱

微十

遠離如是諸煩惱即於人中得清淨

諸煩惱海塞其源得生寂靜梵天界

時輔相婆羅門白大梵天王言如大梵所說
諸煩惱法我聞其言了解是義我若在家一
向纏縛我若出家一向離過當修清淨正白
梵行何以故有生皆滅人命短促若不覺知

死墮惡趣是故我今自知自覺宜善修作行
正梵行不復世間造諸惡業大梵我今捨家
而求出家惟願大梵知我心意大梵天王言
如汝所欲今正是時

余時空中所現大梵天王作是言已隱而不現
復次會中五髻乾闥婆王子前白佛言世尊

我於今日聞此梵王於世尊前說因緣事我
忽思念彼時輔相大堅固婆羅門者豈非即
是佛世尊耶佛告五髻乾闥婆王子言如是
如是彼時輔相大堅固婆羅門者即我身是
我念往昔彼輔相大堅固婆羅門出家等事
汝曾聞不五髻答言不也世尊我昔未聞佛

言五髻我今次第爲汝宣說五髻彼時輔相
大堅固婆羅門作火事已往詣黎努大王所到
已跪拜恭向王前說伽陀曰

我有意願今啓白
黎努大王國界主
我捨相位求出家
願王自理國政事
尔時黎努大王即說伽陀答輔相曰

微十

十三

汝若闕少所須用
一切欲者我當與
若人燒汝今速言
我以王法爲治罰
汝如我父我如子
汝我相助豈相離
汝雖爲相亦我師
何故于今發是語
輔相婆羅門說伽陀曰

我諸所用無闕乏
亦非他人相燒惱

但爲我聞真實言
發出家心無改轉

黎努大王說伽陀曰

非人所說何真實

何故信聽如是言

勿將斯語以爲真
棄輔相位求出家

輔相婆羅門說伽陀曰

天子我先作火事

勇發清淨專注心

依法布壇火祀天
大梵天王大仙聖
我聞彼說真實言
是故堅發出家意
黎努大王說伽陀曰
如汝輔相善所說
汝既得聞先聖言
我今悉能生信解
此出家心何能轉

汝心猶如虛空淨
復如淨妙瑠璃寶
如汝所修我亦隨
我因汝故得開悟
時黎努王說伽陀已又作是言大堅固汝心
清淨樂修善行隨汝所欲汝有歸趣我亦有歸
時輔相婆羅門復說伽陀前白王曰

汝王當捨諸欲境
若執著者即愚夫

應發堅固離著心
三摩四多忍力具

此所悟者清淨乘
此清淨道真常住

此所宣說正法門
由此得生梵天界

五髻彼分理諸國者六王聞輔相婆羅門捨
輔相位樂求出家即集六王共在一處時輔
相婆羅門乃自往詣彼六王所到已跪拜白

諸王言諸王當知我今欲捨彼輔相位惟願
諸王各各別求助國政者設有授學別依師
範我今樂欲出家修道何以故我於大梵天
王所聞真實言謂煩惱法應當捨離如是乃至如
後不樂在家一向纏縛我若出家一向難過
當修清淨正白梵行何以故有生皆滅人命

微十

古

短促若不覺知死墮惡趣是故我今自知自
覺宜善修作行正梵行不復世間造諸惡業
時彼六王咸共議言此輔相婆羅門何故棄
捨富貴而求出家婆羅門中亦有愛樂於富
貴者我等應當以富貴事勸請彼人令勿出
家尔時六王共參議已咸謂輔相婆羅門言

我等六王以富貴事一切所欲勸請於汝然
今我等所有富貴皆是依法而得言已即出
廣多財寶諸富樂具授與輔相婆羅門時輔
相婆羅門白六王言大王今此財寶諸富樂
具我悉自有一切豐足然我所有亦依法得
我自所有尚悉棄捨況復于今受諸王賜我

今決定志求出家何以故我於大梵天王所
聞真實言謂煩惱法應當捨離如是乃至如
前廣說五髻時彼六王復相議言婆羅門中
亦有愛樂姝妙妓女我等應當與彼今受爾
時六王共參議已即以姝妙妓女與輔相婆
羅門王言我此妓女色相殊麗肌體充實容
止可觀復多能解汝宜納受勿復出家時輔
相婆羅門白六王言大王我家自有四十妻
室色相殊麗肌體充實容止可觀端正齊等
雖復自有尚悉棄捨況復于今受諸王賜我
今決定志求出家何以故我於大梵天王所
聞真實言謂煩惱法應當捨離如是乃至如

微十

十五

前廣說五髻時彼六王咸謂輔相婆羅門言
汝今堅欲求出家者且復更俟過七年後我
等諸王子孫及弟各成立已我等亦當隨汝
出家汝大堅固若有歸趣我等諸王亦有所
歸時輔相婆羅門白六王言若候七年極為
久遠我今堅志願速出家何以故我於大梵

天王所聞真實言謂煩惱法應當捨離如是乃至如前廣說六王又言汝大堅固若不爾者更俟六年或復五年乃至一年輔相荅言若候一年極爲久遠我今堅志願速出家六王又言若不爾者更俟七月輔相荅言若候七月極爲久遠我今堅志願速出家六王又

言若不爾者或復六月乃至半月輔相荅言若候半月極爲久遠我今堅志願速出家六王又言若不爾者更俟七日輔相荅言大王若候七日斯爲可爾我所出家捨苦從樂今正是時五髻爾時輔相婆羅門往詣七千教誦經典婆羅門及七千教讀經典婆羅門所到已普告一万四千諸婆羅門言善來善來諸婆羅門衆汝等所有闡陀典章若讀若誦從今已後各別求師而相敎習我今出家無能教汝何以故我於大梵天王所聞真實言謂煩惱法應當捨離從是已後不樂在家一向纏縛我若出家一向離過當修清淨正白

梵行何以故有生皆滅人命短促若不覺知死墮惡趣是故我今自知自覺宜善修作行正梵行不復世間造諸惡業時彼一萬四千婆羅門衆俱白輔相婆羅門言我師智者勿宜出家何以故夫出家者少其義利少其威德少有稱譽若彼婆羅門者有大義利有大

威德有大稱譽時輔相婆羅門告彼一万四千婆羅門言汝婆羅門莫作是語莫作是語汝等當知夫出家者有大義利有大威德有大稱譽而婆羅門者少其義利少其威德少有稱譽如汝諸婆羅門有所知解一切皆從師授爲緣是故汝等勿生異見時彼一万四

微十

十六

千婆羅門衆俱白輔相婆羅門言如師所說如是如是夫出家者有大義利有大威德有大稱譽乃至我等有所知解一切皆從師授爲緣汝師今時若有歸趣我亦有歸時輔相婆羅門復告一万四千諸婆羅門言我所出家捨苦從樂今正是時時輔相婆羅門還詣

自舍四十妻所謂諸妻言善來善來汝等各當詣彼彼親族中去或復樂住別婆羅門族我今捨汝志求出家何以故我於大梵天王所聞真實言謂煩惱法應當捨離從是已後不樂在家一向纏縛我若出家一向離過當修清淨正白梵行何以故有生皆滅人命

短促若不覺知死墮惡趣是故我今自知自覺宜善修作行正梵行不復世間造諸惡業時四十妻俱白輔相婆羅門言汝大堅固應爲師尊時汝即是師尊應爲夫主時汝即是夫主應爲善友時汝即是善友今隨汝所欲汝有歸趣我亦有歸時輔相婆羅門復謂四十妻言我所出家捨苦從樂今正是時五髻余時輔相婆羅門所應告語遍告語已於七日中正信堅固歸佛出家鬚髮自落袈裟著身成苾芻相威儀具足輔相婆羅門既出家已時彼七王悉捨國境亦隨出家所有七千教誦婆羅門亦隨出家彼四十妻亦隨出家

是時復有無數百千諸人民衆各各隨喜悉樂出家五髻時輔相大堅固婆羅門遠離諸欲證阿羅漢果證聖果已復爲同梵行者說諸聲聞種類法門彼聞法已解了其義當生梵界是時大堅固聲聞復爲諸同修梵行者說諸聲聞種類法門彼聞法已解了其義得

生欲界四大王天又有一類同梵行者聞法悟解生三十三天或有一類同梵行者生夜摩天或有一類生兜率天或有一類生化樂天或有一類生他化自在天五髻彼時會中若男若女及同梵行者或於大堅固聲聞起過失心者身壞命終墮地獄中彼時會中若

男若女及同梵行者於大堅固聲聞起淨信心者身壞命終得生天界五髻彼時大堅固聲聞周行城邑聚落境界普爲一切若王若臣若長者若婆羅門乃至士庶人民教化利益令捨邪道是時國中王臣長者諸婆羅門修梵行者及在家者乃至一切士庶人民咸

作是言歸命聖者大堅固七王輔相使哉今
日得大善利如是世尊宣說往昔因緣事已
五髻乳闡婆王子心生歡喜遠塵離垢得法眼淨
佛說此經已五髻乳闡婆王子等一切大眾
聞佛所說皆大歡喜信受奉行
佛說大堅固婆羅門緣起經卷下 微十